

**RUKOMETNI SAVEZ BOSNE I HERCEGOVINE**

# **Pravilnik**

## **O državnim reprezentacijama**

**Sarajevo, 28. 04. 2004.**

Izvršni odbor RS BiH na osnovu odredaba Statuta RS BiH donosi :

## **PRAVILNIK** **O državnim reprezentacijama**

### **1.OSNOVNE ODREDBE**

#### **Član 1.**

Državne reprezentacije zastupaju Rukometni savez BiH u cjelini na međunarodnim takmičenjima .

#### **Član 2.**

Osiguranje uvjeta za rad i uspjeh državnih reprezentacija , dužnost je svakog člana RS BiH .

#### **Član 3.**

Pod nazivom „ državne reprezentacije „ ( u daljem tekstu reprezentacije ) djeluju ženska i muška reprezentacija , koje mogu biti : seniorska , juniorska , kadetska i mlađa kadetska reprezentacija .

#### **Član 4.**

Reprezentacije čine igrači ( u daljem tekstu reprezentativci ) te članovi stručno-tehničkog štaba . Igrače bira trener reprezentacije . Popis se igrača javno objavljuje najkasnije 15 dana prije svakog nastupa reprezentacije .

Članovi stručno – tehničkog štaba reprezentacije su : direktor , glavni trener - selektor , trener saradnik , tehnički sekretar , doktor i fizioterapeut .

#### **Član 5.**

Uoči evropskog i svjetskog prvenstva , te olimpijskih igara glavni trener – selektor mora na vrijeme izraditi dugoročni plan i program rada reprezentacije te širi popis reprezentativaca , koji prihvaća Izvršni odbor RS BiH uzimajući u obzir mišljenje Stručne komisije RS BiH .

#### **Član 6.**

IO RS BiH , na prijedlog direktora , određuje vođu putovanja za svaki inozemni nastup reprezentacije .

Službene nastupe seniorskih reprezentacija prati jedan sportski novinar radi promocije BiH rukometa .

## **2. KLUBOVI**

### **Član 7.**

Klubovi iz čijih je redova kandidat za reprezentaciju moraju selektoru omogućiti sudjelovanje u svim razdobljima priprema i nastupa reprezentacije .

Klub izabranog kandidata mora izabraniku omogućiti najbolje uvjete za ostvarenje posebnih i pojedinačnih programa rada koje za izabranike načini trener – selektor .

### **Član 8.**

Klub koji daje igrača za seniorsku ili juniorsku reprezentaciju ima pravo na odgodu nastupa u takmičenjima RS BiH , a klub nižeg nivoa takmičenja ima pravo na odgodu i kad njegov igrač nastupa u kadetskoj reprezentaciji .

### **Član 9.**

Učestvovanje u djelatnostima reprezentacije može se otkazati samo iz opravdanih razloga , i to u roku koji je pozivom predviđen .

Pod opravdanim se razlogom podrazumijeva smrtni slučaj ili teška bolest u porodici , teža ozljeda ili bolest.

Stepen igračeve ozljede ili bolesti ustanovljuje isključivo doktor reprezentacije ili Zdravstvena komisija RS BiH .

### **Član 10.**

Zbog neopravdanog izostanka izabranika iz djelatnosti reprezentacije krivac , klub ili igrač , ili klub i igrač – podliježe kaznenim odredbama Disciplinske komisije RS BiH , što znači trenutnu zabranu nastupa i pokretanje disciplinskog postupka .

## **1. IGRAČI DRŽAVNE REPREZENTACIJE**

### **Član 11.**

Igrači državne reprezentacije , kao najistaknutiji predstavnici BiH rukometa moraju se brinuti o tome da dostojno zastupaju BiH rukomet i svojim ponašanjem na igralištu i izvan njega moraju biti primjer svima .

### **Član 12.**

Reprezentativac mora biti BiH državljanin , bez obzira igra li u zemlji ili u inostranstvu .

### **Član 13.**

Za pripreme i službene nastupe reprezentativci dobivaju naknadu za putne troškove i dnevnice prema propisima RS BiH :

- ?? KM za svaki dan priprema i pripremnih utakmica
- ?? KM za putovanje i igranje van BiH shodno službenim novinama .
- 

### **Član 14.**

Za rad i uspjeh u radu igračima i članovima stručno – tehničkog štaba reprezentacije mogu se dodijeliti priznanja i nagrade .

Visinu novčane nagrade određuje IO RS BiH , na prijedlog direktora , a pojedinačne svote prema zaslugama određuju zajedno direktor reprezentacije i glavni trener – selektor .

### **Član 15.**

Reprezentativci moraju tokom priprema i nastupa potpuni izvršavati obaveze koje im je odredio stručno - tehnički štab .

## **2. GLAVNI TRENER – SELEKTOR**

### **Član 16.**

Glavni trener – selektor reprezentacije jest stručno osposobljena osoba koja neposredno upravlja stručnim radom reprezentacije .

### **Član 17.**

Glavnog trenera – selektora imenuje IO RS BiH uz prethodno objavljeni javni konkurs ili na prijedlog Stručne komisije RS BiH bez objavljenog konkursa.

Glavni trener – selektor obavlja svoj posao kao stalni zaposlenik . Iznimno to može biti osoba koja će taj posao obavljati kao dodatnu djelatnost, uz naknadu . Visinu naknade određuje IO RS BiH .

### **Član 18.**

Glavni trener – selektor imenuje se zasebice za muški i zasebice za žensku reprezentaciju , a za svoj rad su odgovorni Stručnoj komisiji RS BiH i IO RS BiH .

### **Član 19.**

Za glavnog trenera – selektora može biti izabrana osoba koja pored uslova predviđenih zakonom ispunjava i ove uslove :

- ima najmanje zvanje višega rukometnog trenera
- ima zapažene rezultate u stručnom i odgojnom radu sa vrhunskim ekipama
- služi se jednim od službenih jezika EHF – a
- spremno zastupa razvoj sporta
- ima zapažene rezultate u radu sa ekipama ( Evropski KUP – ovi ili Evropska i Svjetska Prvenstva .

### **Član 20.**

Glavni trener – selektor imenuje se po pravilu na vrijeme od 4 ( četiri ) godine – jedno olimpijsko razdoblje . Nakon isteka tog roka glavni trener – selektor može biti ponovno izabran .

### **Član 21.**

Glavni trener – selektor može biti razriješen dužnosti i prije isteka mandata :

- ako zbog neostvarenja plana i programa rada izostanu zadovoljavajući rezultati reprezentacije .
- ako svojim djelovanjem narušava ugled rukometa m a posebice ugled BiH .
- zbog razloga predviđenih zakonom ili međusobno sklopljenim ugovorom .

### **Član 22.**

Ako glavni trener – selektor podnese ostavku ili mu prestanu obaveze zbog nekog drugog razloga , IO RS BiH na prijedlog Stručne komisije imenuje vršitelja dužnosti do imenovanja novog glavnog trenera .

### **Član 23.**

U dogovoru sa Stručnom komisijom i direktorom reprezentacije glavni trener – selektor mora u roku od 30 dana od imenovanja predložiti trenera saradnika , tehničkog sekretara , doktora i fizioterapeuta . IO RS BiH prihvata ili odbija prijedlog trenera - selektora o saradnicima .

Glavni trener – selektor u roku navedenom u 1. stavu mora predložiti i trenere reprezentacija mlađih selekcija.

Ako IO RS BiH ne prihvati prijedlog glavnog trenera – selektora o suradnicima Stručna komisija u roku od 15 dana mora usklađene stavove iznijeti na prvoj slijedećoj sjednici IO RS BiH , kad se mora donijeti neopoziva odluka .

### **Član 24.**

Poslovi i zadaci glavnog trenera – selektora :

- izrada godišnjeg plana rada sa reprezentacijama , koji usvaja IO RS BiH .
- izrada godišnjeg programa rada sa reprezentacijama po pojedinim dijelovima i razdobljima , koji razmatra Stručna komisija i daje svoje mišljenje i preporuke .
- određivanje šireg popisa reprezentativaca za svako nastupajuće razdoblje .
- određivanje užeg popisa reprezentativaca za svaki predstojeći nastup reprezentacija .
- stručno vođenje treninga i utakmica reprezentacije .
- izrada pojedinačnih planova rada reprezentativaca u klubovima i nadzor nad provedbom programa .

#### **Član 25.**

Glavni trener – selektor prati napredak i razvoj mladih rukometaša , mogućih kandidata za reprezentacije , kao i rad , formu i rezultate reprezentativaca.

#### **Član 26.**

Glavni trener – selektor obavezno saraduje sa igračima , klupskim trenerima , Stručnom komisijom RS BiH , Zdravstvenom komisijom i stručnjacima ostalih struka , radi stvaranja što boljih uvjeta za postizanje vrhunskih rezultata reprezentacije .

#### **Član 27.**

Pri izboru kandidata za reprezentaciju obavezna je suradnja sa klupskim trenerom i zajednički nadzor nad provedbom pojedinačnih programa rada .

#### **Član 28.**

Glavni trener – selektor obavezno sudjeluju u radu Stručne komisije RS BiH , čiji je ujedno i član.

#### **Član 29.**

Glavni trener – selektor mora podnijeti Stručnoj komisiji i IO RS BiH pisani izvještaj o pripremama i svakom natjecanju u roku od 30 dana po svršetku akcije .

#### **Član 30.**

Glavni trener – selektor mora na poziv sudjelovati u radu sjednice IO RS BiH . Po završetku kalendarske godine glavni trener – selektor podnosi Stručnoj komisiji RS BiH izvještaj o radu i rezultatima u prethodnoj godini , koji sadržava i ocjenu rada trenera pojedinih reprezentacija .

#### **Član 31.**

U svom radu glavni trener – selektor mora saradivati i dogovarati se sa direktorima reprezentacije .

### **3. DIREKTOR DRŽAVNE REPREZENTACIJE**

#### **Član 32.**

Vođenje reprezentacije je u djelokrugu direktora reprezentacije .

### **Član 33.**

IO RS BiH na osnovu javnog konkursa imenuje direktora reprezentacije BiH zasebice za mušku i zasebice za žensku reprezentaciju .

Direktor reprezentacije BiH obavlja svoj posao kao stalni zaposlenik . Iznimno to može biti i osoba koja će vođenje reprezentacije obavljati kao dodatnu djelatnost .

Status , prava i dužnosti direktora uređuju se posebnim ugovorom , shodno ovom Pravilniku .

### **Član 34.**

Direktor je reprezentacije za svoj rad odgovoran IO RS BiH .

### **Član 35.**

Za direktora reprezentacije može biti izabrana osoba koja pored uslova predviđenih zakonom ispunjava slijedeće uslove :

- ima najmanje tri godine radnog iskustva na ovakvim ili sličnom poslovima .
- govori jedan od službenih jezika Međunarodne rukometne Federacije .
- ima zapažene uspjehe u svom prijašnjem radu .

### **Član 36.**

Poslovi i zadaci direktora :

- ugovoraranje i dogovaranje djelatnosti reprezentacija na osnovi plana i programa rada reprezentacija koje su izradili glavni treneri – selektori i treneri selektori mlađih dobnih skupina .
- briga o novčanom poslovanju , prihodima i troškovima reprezentacija
- osiguranje novca za rad reprezentacija .
- predlaganje IO RS BiH visine nagrada reprezentativcima za posebne uspjehe .
- briga o sklapanju ugovora o pokroviteljstvu nad reprezentacijama .
- briga o sklapanju ugovora sportske opreme za reprezentacije
- ugovoraranje TV prijenosa reprezentativnih utakmica i njihova marketinška obrada
- briga o zastupljenosti reprezentacije u sredstvima javnog informisanja .

### **Član 37.**

Direktor reprezentacije zajedno sa glavnim trenerom – selektorom određuje visinu pojedinačnih nagrada , ovisno o učinku svakog člana reprezentacije .

### **Član 38.**

Direktor reprezentacije surađuje u radu sa generalnim sekretarom RS BiH .

### **Član 39.**

U svom radu direktor reprezentacije mora surađivati i dogovarati se s trenerima .

#### **Član 40.**

Direktor reprezentacije obavlja i ostale poslove za reprezentaciju koji nisu predviđeni ovim Pravilnikom , a zadaje ih Izvršni odbor RS BiH .

#### **Član 41.**

Na svršetku kalendarske godine direktor reprezentacije podnosi pisani izvještaj o radu i novčanom poslovanju reprezentacija u protekloj godini , kao i plan za slijedeću godinu.

### **5. ZDRAVSTVENA ZAŠTITA**

#### **Član 42.**

O zdravstvenoj zaštiti reprezentativaca vodi brigu Zdravstvena komisija RS BiH i doktori specijalisti .

#### **Član 43.**

Doktora reprezentacija imenuje IO RS BiH na osnovu zajedničkog prijedloga Stručne komisije , Zdravstvene komisije RS BiH i selektora .  
Doktor reprezentacija pruža zdravstvenu zaštitu reprezentativcima na pripremama .

#### **Član 44.**

Doktor reprezentacije surađuje sa klupskim doktorom i ima pravo uvida u zdravstveni tretman reprezentativaca i kandidata za reprezentaciju .

#### **Član 45.**

Doktor reprezentacije mora voditi pojedinačne zdravstvene kartone reprezentativaca i kandidata za reprezentaciju : povijest bolesti i ozljeda , vrstu ozljeda i učestalost te način liječenja koji se primjenjuje .

#### **Član 46.**

Svi članovi reprezentacije osigurani su posredstvom RS BiH u jednome od osiguravajućih društava .



#### **4. SPORTSKA OPREMA I ODJEĆA**

##### **Član 47.**

RS BiH osigurava reprezentativcima svu potrebnu opremu za pripreme , vježbanje i utakmice .

Prema mogućnostima RS BiH osigurava reprezentativcima i opremu za slobodno vrijeme , kao i odjeću za svečane prigode .

Reprezentativci moraju tokom svih akcija reprezentacije nositi isključivo opremu i odjeću koju je nabavio RS BiH a nakon završenih akcija vratiti je ovlaštenoj osobi RS BiH .

Reprezentativci moraju čuvati opremu i odjeću .

Oštetiti li se ili izgubi dio službene opreme ili odjeće nemarom reprezentativca , igrač mora nadoknaditi nastalu štetu . Zbog ponovljenog nemara protiv reprezentativca će se pokrenuti disciplinski postupak .

#### **5. ZAKLJUČNE ODREDBE**

##### **Član 48.**

O provedbi odluka ovog Pravilnika brine se Generalni sekretar RS BiH . O mogućem kršenju Pravilnika generalni sekretar izvještava IO RS BiH .

##### **Član 49.**

Ovaj Pravilnik stupa na snagu danom donošenja .

Sarajevo , 28.04.2004.